

hvort myndin brjóti gegn ákvæðum laga nr. 33/1983 um bann við ofbeldiskvikmyndum og sé hæf til sýningar börnum og unglíngum innan 16 ára aldurs eða á tilteknum aldursskeiðum innan þess aldurs.

6. gr.

Brot gegn ákvæðum reglugerðar þessarar varðar refsingu skv. 4. gr. laga nr. 33/1983 um bann við ofbeldiskvikmyndum og 59. gr. laga um vernd barna og ungmenna nr. 53/1966.

7. gr.

Reglugerð þessi er sett skv. lögum nr. 33/1983 sem og lögum nr. 53/1966 og öðlast þegar gildi.

Menntamálaráðuneytið, 14. janúar 1988.

Birgir Ísleifur Gunnarsson.

Pórunn J. Hafstein.

Nr. 59

25. janúar 1988

REGLUGERÐ

um breytingu á reglugerð nr. 291 23. júní 1987 um búmark og fullvirðisrétt til framleiðslu mjólkur verðlagsárið 1987—1988.

1. gr.

1. mgr. 6. gr. orðist svo:

Framleiðanda er heimilt að ráðstafa fullvirðisrétti og tilsvareandi búmarki milli lögbýla, enda sé ekki um skammtímaráðstöfun að ræða og fyrir liggja samþykki viðkomandi búnaðarsambands. Tilkynning um ráðstöfun þessa, studd skriflegu samþykki búnaðarsambands og eigenda viðkomandi lögbýla, skal hafa borist Framleiðsluráði landbúnaðarins fyrir 1. júní 1988.

2. gr.

15. gr. orðist svo:

Mjólkurframleiðanda er heimilt, með samkomulagi við hlutaðeigandi afurðastöð að nýta af fullvirðisrétti sínum verðlagsárið 1988/1989 jafngildi allt að 5% af fullvirðisrétti skv. 13. og 14. gr. með innleggi á verðlagsárinu 1987/1988. Í samkomulagi þessu skal m.a. taka fram um greiðslu þessara afurða til framleiðanda, sbr. 2. mgr. 29. gr. l. nr. 46/1985.

Nýti framleiðandi ekki allan fullvirðisrétt sinn skv. 13. og 14. gr., greiðir ríkissjóður fyrir hinn ónýtta fullvirðisrétt, allt að 10% hans. Þó er landbúnaðarráðherra heimilt, með hliðsjón af markaðsaðstæðum á einstökum búmarkssvæðum, að undanskilja við greiðslu af hálfu ríkissjóðs allt að 5 prósentustig hins ónýtta fullvirðisréttar, og geymist sá hluti þá framleiðanda til næsta verðlagsárs. Ákvörðun þess efnis skal þá liggja fyrir eigi síðar en 15. júní 1988. Ákvæði þessarar málsgreinar gilda þó ekki um ígildi þess mjólkurmagns sem úthlutað var skv. 1. tl. 5. gr. rg. nr. 37/1986, sbr. einnig 13. gr. rg. nr. 339/1986. Þeim rétti skal Búnaðarsamband Vestfjarða úthluta á búmarkssvæðum nr. 9 og 10 og skal sá réttur hvorki framseljanlegur né leiguhæfur. Sá hluti þess fullvirðisréttar, sem kann að vera ónýttur á einstökum býlum í lok verðlagsársins, verði nýttur við ársuppgjör á framangreindum búmarkssvæðum eftir ákvæðum 15. gr. þessarar reglugerðar.

Greiðsla fyrir ónýttan fullvirðisrétt skal svara til hlutfalls launa- og fjármagnskostnaðar í grundvallarverði mjólkur 1. júní 1988. Framleiðsluráð landbúnaðarins í annast greiðslur

þessar skv. nánari reglum, er landbúnaðarráðherra setur. Með sama hætti getur mjólkurframleiðandi óskað eftir slíkri greiðslu fyrir hærra hlutfall ónýtt fullvirðisréttar, enda berist Framleiðsluráði landbúnaðarins umsókn um það fyrir 1. júní 1988. Aldrei verður þó greitt fyrir ónotaðan rétt, ef framleiðsla á árinu nær ekki 50% af fullvirðisrétti viðkomandi býlis.

Nýti mjólkurframleiðandi ekki fullvirðisrétt sinn með reglum 1. og 2. mgr. þessarar greinar, skal hinn ónýtti réttur koma til viðbótar fullvirðisrétti einstakra framleiðenda við uppgjör framleiðslu á viðkomandi búmarkssvæði það verðlagsár, í þessari röð:

- a. til framleiðenda á svæðinu, skipt hlutfallslega á milli þeirra, allt að búmarki þeirra í greininni. Þeir framleiðendur sitji fyrir þessari viðbót sem hafa fullvirðisrétt minni en 80% að búmarki.
- b. til annarra búmarkssvæða, að fenginni staðfestingu landbúnaðarráðherra, og skal þeim rétti skipt skv. a-lið þessarar greinar.

3. gr.

2. mgr. 19. gr. orðist svo:

Framleiðanda er óheimilt án samþykkis hlutaðeigandi búnaðarsambands, að selja eða leigja þann fullvirðisrétt til mjólkurframleiðslu sem hann hefur hlotið á grundvelli 14. gr. rg. nr. 339/1986 eða hlýtur skv. 14. gr. rg. nr. 291/1987.

Reglugerð þessi er sett skv. heimild í lögum nr. 46 27. júní 1985 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 25. janúar 1988.

Jón Helgason.

Jón Höskuldsson.

REGLUGERÐ

um breytingu (1.) á reglugerð um búnað og rekstur lyfjabúða og undirstofnana þeirra nr. 24/1983.

1. gr.

13. gr., a-stafliður og 1. töluliður hans hljóði svo: Efni og efnasamsetningar, sem talin eru hér á eftir, skulu merkt varnaðarmerki A, sbr. reglugerð nr. 77/1983 um gerð íláta, merkingu og varnaðarmerki varðandi sölu og varðveislu eitrefna og skulu þau varðveitt í læstum eiturskáp.

Acetarsolum	Benzhexoli chloridum
Acidum mersalylicum	* Benzolum
Adrenalini tartras	Benzatropini mesilas
Adrenalinum	Busulfanum
Aethinyloestradiolum	Carbacholi chloridum
Alprenololi chloridum	Carbonei sulfidum
Apomorphini hydrochloridum	* Chlorali hydras
Arecolini bromidum	Cinchocainii chloridum
Atropini sulfas	Cinchocainum
	* Clofenotanium
	Colchicinum